

李長吉詩編序



太和五年十月中半夜時舍  
外有疾呼傳緘書者救曰必  
有異亟取火來及發之果集  
賢學士沈公子明書一通曰



我亡友李賀元和中義愛甚  
厚日夕相與起居飲食賀且  
死嘗授我平生所著歌詩雜  
為五編凡二百三十三首數  
年來東西南北良為已失今

夕醉解不復得寐即閱理篋  
帙忽得賀詩前授我者思理  
往事凡與賀話言嬉遊一處  
所一物候一日一夕一觴一  
飴顯顯焉無有忘棄者不覺

出涕賀復無家室子弟得以  
給養卹問常恨想其人詠味  
其言止矣子厚於我與我為  
賀集敘盡道其所未繇亦少  
解我意牧其夕不果以書道

不可明日就公謝且曰世謂  
賀才絕出前讓居數日牧深  
惟公曰公於詩為深妙竒博  
且復盡知賀之得失長短今  
實序賀不讓必不能當公意

如何復就謝極道所不敢序  
賀公曰子固若是是當慢我  
牧因不敢復辭勉為賀序然  
甚慙賀唐皇諸孫字長吉元  
和中韓吏部亦頗道其歌詩

雲煙繚聯不足為其態也水  
之道道不足為其情也春之  
盍盍不足為其和也秋之明  
潔不足為其格也風檣陣馬  
不足為其勇也瓦棺篆鼎不

足為其古也時花美女不足  
為其色也荒國侈殿榷莽丘  
隴不足為其恨怨悲愁也鯨  
吐鰲擲牛鬼蛇神不足為其  
虛荒誕幻也蓋騷之苗裔理

雖不及辭或過之騷之有感  
怨刺對言及君臣理辭時有  
以激發人意乃賀所為得無  
有是賀能探尋前事所以深  
難恨古今未嘗經道者如金

銅仙人辭藻歌補梁庾肩吾  
宮體謠求取情狀離絕遠去  
筆墨畦徑間亦殊不能知之  
賀生二十七卒死矣世皆曰  
使賀且未死少加以理奴僕

命騷可也賀死後凡十有五  
年京兆杜牧為其序

漢蔡中郎竹冊

李長吉詩集目次

第一卷

李憑箏篋引

殘絲曲

還自會稽歌

寄權璩楊敬之

示弟

竹

賦御溝水

憶昌谷山居

七夕

過華清宮

送沈亞之歌

詠懷二首

追和柳惲

春坊正字劍子歌

貴公子夜闌曲

鴈門太守行

大堤曲

蜀國絃

蘓小小墓

夢天

唐兒歌

綠章封事

十二月樂辭

閏月附

天上謠

白鹿齋摹古

漢蔡中郎竹冊

浩歌

秋來

帝子歌

秦王飲酒

洛姝真珠

李夫人

走馬引

湘妃

南國十三首

第二卷

金銅仙人辭漢歌

古悠悠行



黃頭郎

馬詩二十三首

申胡子感策歌

并序

老夫採玉歌

傷心行

湖中曲

黃家洞

屏風曲

南山田中行

貴主征行樂

酒罷張大徹索贈詩

羅浮山人與葛篇

雜敘皇甫湜

宮娃歌

白鹿齋摹古

漢蔡中郎竹冊

堂堂

勉愛行

致酒行

長歌續短歌

公莫舞歌

昌谷北園新筍四首

惱公

感諷五首

三月過行宮

第三卷

追和何謝銅雀妓

送奏光祿壯征

酬荅二首

畫角東城

朝謝秀才四首

昌谷讀書示巴童

巴童荅

代崔家送客

出城

莫種樹

將發

追賦畫江潭

病酒寄十四兄

難忘曲

賈公閣貴壻曲

夜飲朝眠曲

白鹿齋摹古

漢蔡中郎竹冊

王濬墓下作

客遊

宗義里滯雨

馬小憐

贈陳商

釣魚詩

奉和二兄追馬歸

荅贈

題趙生壁

感春

仙人

河陽歌

花遊曲

春晝

安樂宮

蝴蝶飛

梁公子

牡丹種冊

後園鑿井

開愁歌

秦宮詩

古鄴城童子謠

青華紫石硯歌

房中思

石城曉

苦晝短

童和二年中

春歸昌谷

白麻齋摹古

漢蔡中郎竹冊

昌谷詩

銅駝悲

自昌谷到洛後門

曉入太山行

秋涼詩寄十二兄

第四卷

艾如張

上雲樂

摩多樓子

猛虎行

日出行

苦篁調嘯引

拂舞歌詞

夜聖吟

筵篔引

巫山高

平城下

江南弄

榮華樂

相勸酒

瑤華樂

北中寒

梁臺石愁

公無出門

神絃曲

神絃

白鹿齋摹古

漢蔡中郎竹冊

神絃別曲

綠水辭

沙路曲

上之回

高軒過

貝宮夫人

蘭香神女廟

送韋仁實兄弟入關

別皇甫湜

溪晚涼

官不來

長平箭頭歌

江樓曲

塞下曲

染絲上春機

五粒小松歌

塘上行

呂將軍歌

休洗紅

野歌

將進酒

美人梳頭歌

月漉漉篇

京城

官街鼓

許公子鄭姐歌

新夏歌

題歸夢

白麻齋摹古

漢蔡中郎竹冊

紅沙苑

出城別又新

外集目次

南國

假龍吟歌

感諷六首

莫愁曲

夜來樂

朝雪

春懷引

白虎行

有所思

朝少年



高平縣東私路

神仙曲

龍夜吟

崑崙使者

漢唐姬飲酒歌

聽穎師琴歌

謠俗

目次終

白鹿齋墓

漢蔡中郎竹冊

李長吉詩集第一卷



隴西李賀著

李憑箏篔引

吳絲蜀桐張高秋空山凝雲頽不流江娥啼

竹素女愁李憑中國彈箏篔嶢山玉碎鳳凰

叫芙蓉泣露香蘭笑十二門前融冷光二十

三絲動紫皇女媧煉石補天處石破天驚逗



秋雨夢入神仙教神嫗老魚跳波瘦蛟舞吳  
質不眠倚桂樹露脚斜飛濕寒兔

殘絲曲

垂楊葉老鶯哺兒殘絲欲斷黃蜂歸綠鬢年  
少金釵客縹粉壺中沈瑋珀花臺欲暮春歸  
去落花起佗迴風舞榆夾相催不知數沈郎  
青錢夾城路

白鹿齋摹古

漢蔡中郎竹冊

還自會稽歌 并序

庾肩吾於梁時嘗佗宮體謠引以應和皇  
子及國世淪敗肩吾先潛難會稽後始還  
家僕意其必有遺文今無得焉故作還自  
會稽歌以補其悲

野粉楸壁黃濕螢滿梁殿臺城應教人秋衾  
夢銅輦吳霜點歸鬢身與塘蒲晚脉脉辭金

魚霧臣守迭賤

出城寄權璩楊敬之

草暖雲昏萬里春  
宮花拂面送行人  
自言漢劍當飛去何事  
還車載病身

示弟猶

別弟三年後還家  
一日餘醪醕今夕  
酒細帙去時書  
病骨猶能在人間  
底事無何須問牛

白鹿齋摹古

馬拋擲任臬盧

竹

入水文光動抽空  
綠影春露華生筍  
暹苔色拂霜根  
織可承香汗竿  
應釣錦鱗三梁  
曾入用一節奉王孫

同沈駙馬賦得御溝水

入苑白泱泱宮人  
正靨黃遶堤龍  
骨冷拂岸

鴨頭香別館驚殘夢停盃泛小觴幸因流浪  
處暫得見何郎

始為奉禮憶昌谷山居

掃斷馬蹄痕衙回自閉門長鎗江米熟小樹  
棗花春向壁懸如意當簾閱角巾犬書曾去  
洛鶴病悔遊秦土甌封茶葉山盃鎖竹根不  
知船上月誰棹滿溪雲

七夕

別浦今朝暗羅帷午夜愁鵲辭穿線月花入  
曝衣樓天上分金鏡人間望玉鈎錢塘蘇小  
小更值一年秋

過華清宮

春月夜啼鴉宮簾隔御花雲生朱絡暗石斷  
紫錢斜玉椀盛殘露銀燈點舊紗蜀王無近

信泉上有芹芽

送沈亞之歌并序

文人沈亞之元和七年以書不中第返歸  
于吳江吾悲其行無錢酒以勞又感沈之  
勤請乃歌一解以勞之

吳興才人怨春風桃花滿陌千里紅紫絲竹  
斷驄馬小家住錢塘東復東白藤交穿織書

笈短策齊裁如梵夾雄光寶壙獻春卿煙底  
鷺波乘一葉春卿拾材白日下擲置黃金解  
龍馬攜笈歸江重入門勞勞誰是憐若者吾  
聞壯夫重心骨古人三走無催梓請君待旦  
事長鞭他日還轅及秋律

詠懷二首

長卿懷茂陵綠艸垂石井彈琴看文君春風



吹髻影梁皇與武帝棄之如斷梗唯留一簡  
書金泥泰山頂日夕眉書罷驚霜落素絲鏡  
中聊自笑詎是南山期頭上無幅巾苦蘗已  
染衣不見清溪魚飲水得相宜

追和柳惲

汀洲白蘋草柳惲乘馬歸江頭櫺樹香岸上  
蝴蝶飛酒杯箬葉露玉軫蜀桐虛朱樓通水

陌沙暖一雙魚

春坊正字劍子歌

先輩匣中三尺水曾入吳潭斬龍子隙月斜  
明刮露寒練帶平鋪吹不起蛟胎皮老蒺藜  
刺鷲鶻淬花白鷗尾直是荆軻一片心莫教  
照見春坊字接絲團金懸麗殿神光欲截藍  
田玉提出西方白帝驚嗷嗷鬼母秋郊哭

貴公子夜闌曲

裊裊沈水煙烏啼夜闌景曲  
沼芙蓉波粲園  
白玉冷

鴈門太守行

黑雲壓城城欲摧甲光向日金鱗開  
角聲滿天秋色裏塞上燕脂凝夜紫  
半捲紅旗臨易水霜重鼓寒聲不起  
報君黃金臺上意提攜

玉龍為君死

大堤曲

妾家住橫塘紅紗滿桂香青雲教縮頭上髻  
明月與作耳邊璫蓮風起江畔春大堤上留  
北人郎食鯉魚尾妾食猩猩唇莫指襄陽道  
綠浦歸帆少今日菖蒲花明朝楓樹老

蜀國絃

楓香晚花靜錦水南山影驚石墜猿哀竹雲  
愁半嶺涼月生秋浦玉沙粼粼光誰家紅淚  
客不忍過瞿塘

蘓小小墓

幽蘭露如啼眼無物結同心烟花不堪剪草  
如茵松如蓋風為裳水為佩油壁車久相待  
冷翠燭勞光彩西陵下音風吹雨

夢天

老兔寒蟾泣天色雲樓半開壁斜白玉輪軋  
露濕團光鸞佩相逢桂香陌黃廉清水三山  
下更變千年如走馬遙望齊州九點烟一泓  
海水杯中瀉

唐兕歌

杜幽公之子

頭王曉曉眉刷翠杜郎生得真男子骨重神

寒天廟器一雙瞳人剪秋水竹馬梢梢擗綠  
尾銀鸞睽光踏半臂東家嬌娘求對值濃笑  
書空作唐字眼大心雄知所以莫忘伶歌人  
姓李

綠章封事 為吳道士夜醮作

青霓扣額呼宮神鴻龍玉狗開天門石榴花  
發滿溪津溪女洗花染白雲綠章封事認元

父六街馬蹄浩無主虛空風氣不清冷短衣  
小冠佗塵土金家香街千輪鳴楊雄秋室無  
俗聲願携漢戟招書鬼休令恨骨填蒿里

河南府試十二月樂詞

併閏月

正月

上樓迎春新春歸暗黃著柳宮漏遲薄薄淡  
靄弄野姿寒綠幽風生短絲錦床晚卧玉肌

冷露臉未開對朝暝官街柳帶不堪折早晚  
萑蒲勝縮結

二月

飲酒採桑津宜男艸生蘭笑人蒲如交劔風  
如薰勞勞鶯鶯怨酣春薇帳逗烟生綠塵金  
翹峨眉愁暮雲昏風起舞真珠裙津頭送別  
唱流水酒客背寒南山死

三月

東方風來滿眼春花城柳暗愁殺人複宮深  
凝竹風起新翠舞衿淨如水光風轉蕙百餘  
里暖霧驅雲撲天地軍裝宮妓掃蛾淺搖搖  
錦旗夾城暖曲水飄香去不歸梨花落盡成  
秋苑

四月



曉涼暮涼樹如蓋千山濃綠生雲外  
依微香雨青氛氲膩葉蟠花照曲門  
金塘閑水搖碧漪老景沈重無驚飛  
墮紅殘萼暗參差

五月

雕玉押簾額輕縠籠虛門井汲鉛華水  
扇織鴛鴦紋迴雪舞涼殿甘露洗空綠  
羅袖從徊翔香汗霑寶粟

六月

裁生羅伐湘竹帔拂踈霜簟秋玉炎炎紅鏡  
東方開暈如車輪上徘徊啾啾赤帝騎龍來

七月

星依雲渚冷露滴盤中圓好花生木末衰蕙  
愁空園夜天如玉砌池葉極青錢僅厭舞衫  
薄稍如花簟寒曉風何拂拂北斗光闌干

八月

嬌妾怨長夜獨客夢歸家倚簷蟲緝絲向壁  
燈垂花簾外月光吐簾內樹影斜悠悠飛露  
姿點綴池中荷

九月

離宮散螢天似水竹黃池冷芙蓉死月綴金  
鋪光脈脈涼苑虛庭空澹白露花飛飛風草

白麻齋摹古

草翠錦爛斑滿層道雞人罷唱曉瓏璵鴉啼  
金井下踈桐

十月

玉壺銀箭稍難傾缸花夜笑淒幽明碎霜斜  
舞上羅幕燭龍兩行照飛閣珠帷怨卧不成  
眠金鳳刺衣著體寒長眉對月鬪彎環

十一月

宮城圍迴凜嚴光白天碎碎墮瓊芳槌鍾高  
飲千日酒戰却凝寒作君壽御溝泉合如環  
素火井溫泉在何處

十二月

日脚淡光紅灑灑薄霜不銷桂枝下依稀和  
氣排冬嚴已就長日辭長夜

閏月

帝重光年重時七十二候迴環推天宮律琯  
灰剩飛今歲何長來歲遲王母移桃獻天子  
義氏和氏還龍轡

天上謠

天河夜轉漂迴星銀浦流雲學水聲玉宮桂  
樹花未落仙妾採香垂珮纓秦妃卷簾北窓  
曉牕前植桐青鳳小王子吹笙鸞管長呼龍

耕烟種瑤草粉霞紅綬藕絲裙青洲步拾蘭  
茗春東指義和能走馬海塵新生石山下

浩歌

南風吹山作平地帝遣天吳移海水王母桃  
花千遍紅彭祖巫咸幾迴死青毛驄馬參差  
錢嬌春楊柳含細烟箏人勸我金屈卮神血  
未凝身問誰不須痕飲了都護世上英雄本

無主買絲繡作平原君有酒唯澆趙州土漏  
催水咽玉蟾蜍衛娘髮薄不勝梳看見秋眉  
換新綠二十男兒那刺促

秋來

桐風驚心壯士苦寒燈絡緯啼寒素誰看青  
簡一編書不遣花蟲粉空蠹思李今夜腸應  
直雨冷香魂甲書客秋墳鬼唱鮑家詩恨血

千年土中碧

帝子歌

洞庭帝子一千里涼風鴈啼天在水九節菖  
蒲石上死湘神彈琴迎帝子山頭老桂吹古  
香雌龍怨吟寒水光沙浦走馬白石郎閑取  
真珠擲龍堂

秦王飲酒

秦王騎虎遊八極劍光照空天自碧羲和敲  
日玻璃聲劫灰飛盡古今平龍頭瀉酒邀酒  
星金槽琵琶夜根根洞庭雨脚來吹笙酒酣  
喝月使倒行銀雲櫛櫛瑤殿明宮門掌事報  
一更花樓玉鳳聲嬌穉海綃紅文香淺清黃  
鸞跌舞千年觥仙人燭樹蠟烟輕清琴醉眼  
淚泫泫

洛姝真珠

真珠小娘下青郭洛苑香風飛綽綽寒鬢斜  
釵玉燕光高樓唱月敲懸璫蘭風桂露灑幽  
翠紅絃裏雲咽深思花袍白馬不歸來濃蛾  
墨柳香唇醉金戴屏風蜀山夢鸞裾鳳帶行  
烟重八驄籠晃臉差移日絲繁散曛羅洞市  
南曲陌無秋涼楚腰衛鬢四時芳玉啖窸窣  
排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香繡  
帳何時歇青雲無光宮水咽翩聯桂花墮秋  
月孤鸞驚啼商絲發紅壁闌珊懸珮璫歌臺  
小妓遙相望玉蟾滴水雞人唱露華蘭葉叅  
差光

走馬引

我有辭鄉劍玉鋒堪截雲襄陽走馬客意氣  
自生春朝嫌劍花淨暮嫌劍光冷能持劍白  
人不解持照身

湘妃

筠竹千年老不死長伴秦娥蓋湘水蠻娘吟  
弄滿寒空九山靜綠淚花紅離鸞別鳳烟梧

漢蔡中郎竹冊

中巫雲蜀雨遙相通幽愁秋氣上青楓涼夜  
波間吟古龍

南園十三首

花枝草蔓眼中開小白長紅越女腮可憐日  
暮媽香落嫁與春風不用媒

宮北田塍曉氣酣黃桑飲露宰宮簾長腰健  
婦偷攀折將餽吳王八繭蠶

竹裏縑絲桃網車青蟬獨噪日光斜  
桃膠迎夏香瑤珀自課越儂能種瓜

三十未有二十餘白日長饑小甲蔬  
橋頭長老相哀念因遺戎韜一卷書

男兒何不帶吳鉤收取關山五十州  
請君暫上凌烟閣若箇書生萬戶侯

尋章摘句老雕蟲曉月當簾桂玉弓  
不見年

白鹿齋摹古

年遼海上文章何處哭秋風

長卿牢落悲空舍曼倩談諧取自容  
見買若耶溪水劍明朝歸去事猿公

春水初生乳燕飛黃蜂小尾撲花歸  
窻舍遠色通書幌魚擁香鉤近石磯

泉沙炙卧鴛鴦暖曲岸回篙舫艤遲  
瀉酒木蘭榭葉蓋病容扶起種菱絲



邊壤今朝憶蔡邕無心裁曲卧春風舍南有  
竹堪書字老去溪頭作釣翁

長巖谷口倚嵇家白晝千峰老翠華自履藤  
鞋收石密手牽苔絮長蕪花

松溪思水新龍卵桂洞生硝舊馬牙誰遺翼  
卿裁道陂輕綃一疋染朝霞

小樹開朝暉長葺濕夜烟柳花驚雪浦麥雨

漢蔡中郎竹冊

漲溪田古剎踈鍾度遙嵐破月懸沙頭敲石  
火燒竹照魚船

漢蔡中郎竹冊

李長吉詩集第二卷

金銅仙人辭漢歌 并序

魏明帝青龍元年八月詔宮官牽車西取

漢孝武捧玉盤仙人欲立置殿前宮官既

圻盤仙人臨載乃潛然淚下唐諸王孫李

長吉遂作金銅仙人辭漢歌

茂陵劉郎秋風客夜聞馬嘶曉無跡畫欄桂



樹懸秋香三十六宮上花碧魏官牽車拍千  
里東關酸風射眸子空將漢月出宮門憶君  
清淚如鉛水衰蘭送客咸陽道天若有情天  
亦老攜盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲  
隨風飄海波變成石魚沫吹秦橋空光遠流

白鹿齋摹古

漢蔡中郎竹冊

浪銅柱從年消

黃頭郎

黃頭郎撈櫂去不歸南浦芙蓉影愁紅獨自  
垂水弄湘娥珮竹啼山露月玉瑟調青門石  
雲濕黃葛沙上蘼蕪花秋風已先發好持掃  
羅薦香出鴛鴦墊

馬詩二十三首

龍脊貼連錢銀蹄白踏烟無人織錦鞞誰為  
鑄金鞭

臘月艸根甜天街雪似鹽未知口硬軟先擬  
羨藜銜

忽憶周天子驅車上玉山鳴騶辭鳳袍赤驥  
寂承恩

此馬非凡馬房星本是星向前敲瘦骨猶自

白鹿齋摹古

漢蔡中郎竹冊

帶銅聲

大漠沙如雪燕山月似鈎何當金絡腦快走  
踏清秋

饑卧骨查牙麤毛刺破花鬣焦朱色落髮斷  
鋸長麻

西母酒將闌東王飯已乾君行若燕去誰為  
越車轅

赤兔無人用當須呂布騎吾聞果下馬為策  
任蠻兒

颼林去匆匆如今不羨龍夜來霜壓棧駮骨  
折西風

催榜渡烏江神騅泣向風君王今解劍何處  
逐英雄

內馬賜宮人銀韉刺麒麟午時鹽坂上蹭蹬

白鹿齋摹古

漢蔡中郎竹冊

溘風塵

批竹初攢耳桃花未上身他時須攪陣牽去  
偕將軍

寶玦誰家子長聞俠骨香堆金買駿骨將送  
楚襄王

香襍赭羅新盤龍感鎧鱗迴看南陌上誰道  
不逢春

不從桓公獵何能伏虎威一朝溝隴出看取  
拂雲飛

唐劍斬隋公豸毛屬太宗莫嫌金甲重且去  
投飄風

白鉄剉青禾堪聞落細莎世人憐小頸金將  
畏長牙

伯樂向前看旋毛在腹間祇今培白草何日

白鹿齋摹古

漢蔡中郎竹冊

驀青山

蕭寺馱經馬元從竺國來空知有善相不解  
走章臺

重圍如燕尾寶劍似魚腸欲求千里脚先采  
眼中光

暫繫騰黃馬仙人上綵樓須鞭玉勒吏何事

謫商州



汗血到王家隨鸞憾玉珂少君騎海上人見  
是青螺

武帝受神仙燒金得紫烟廐中皆肉馬不解  
上青天

申胡子感策歌 并序

申胡子朔客之蒼頭也朔客李氏本亦世  
家子得祀江夏王廟當年踐履失序遂奉

白鹿齋摹古

漢蔡中郎竹冊

官北郡自稱學長調短調久未知名今年  
四月吾與對舍於長安崇義里遂將衣質  
酒命予合飲氣熱杯闌因謂吾曰李長吉  
爾徒能長調不能作五字歌詩直強迴筆  
端與陶謝詩勢相遠幾里吾對後請撰申  
胡子感策歌以五字斷句歌成左右人合  
譟相唱朔客大喜擎觴起立命花娘出幕

徘徊拜客吾問所宜稱善平弄於是以此  
辭配聲與予為壽

顏熱感君酒含嚼蘆中聲花娘叅綏妥休睡  
芙蓉屏誰截太平管列點排空星直貫開花  
風天上驅雲行今夕歲華落令人惜年生心  
事如波濤中坐時時驚翔客騎白馬劍弔懸  
蘭纓俊健如生猱首拾蓬中螢

白鹿齋摹古

老夫採玉歌

採玉採玉須水碧琢佗步搖徒好色老天饑  
寒龍為愁藍溪水氣無清白夜雨岡頭食蒸  
子杜鵑口血老夫淚藍溪之水戢生人身死  
千年恨溪水斜山栢風雨如嘯泉脚挂繩青  
裊裊村寒白屋念嬌嬰古臺石磴懸腸艸

傷心行

咄咄學楚吟病骨傷幽素秋姿白髮生木葉  
啼風雨燈青蘭膏歇落照飛娥舞古壁生凝  
塵霸魂夢中語

湖中曲

長眉越沙採蘭若桂葉水蒨春漠漠橫船醉  
眠白晝閑渡口梅風歌扇薄燕釵玉股照青  
渠越王嬌郎小字書蜀紙封巾報雲鬢晚漏

白鹿齋摹古

壺中水淋盡

黃家洞

雀步感沙聲促促四尺角弓青石鏃黑幡三  
點銅鼓鳴高仨猿啼搖箭箠綵中纏踣幅半  
斜溪頭簇墜映葛花山潭晚霧吟白鼉竹蛇  
飛蠹射金沙閑驅竹馬緩歸家官軍自殺容  
州槎

屏風曲

蝶棲石竹銀交關水凝綠鴨琉璃錢團迴六  
曲抱膏蘭將鬢鏡上擲金蟬沈香火煖茱萸  
烟酒觥綰帶新承歡月風吹露屏外寒城上  
烏啼楚女眠

南山田中行

秋野明秋風白塘水漻漻蟲嘖嘖雲根苔蘚

白廉齋摹古

漢蔡中郎竹冊

山上石冷紅泣露嬌帝色荒畦九月稻叉牙  
螿螢低飛隴迳斜石脉水流泉滴沙鬼燈如  
漆照松花

貴主征行樂

奚騎一作妓黃銅連鎖甲羅旗香幹金畫葉中  
軍留醉河陽城嬌嘶紫燕踏花行春營騎將  
如紅玉走馬梢鞭上空綠女垣素月角吽吽

牙帳未開分錦衣

酒罷張大徹索贈詩張初效潞幕

長鬣張郎三十八天遣裁詩花仵骨往還誰  
是龍頭人公主遣乘魚須笏水行青州上白  
衫匣中章奏密如蠶金門石閣知卿有鷹角  
雞香早晚含隴西長吉摧顏客酒闌感覺中  
區窄葛衣斷碎趙城秋吟詩一夜東方白

白鹿齋摹古

漢蔡中郎竹冊

羅浮山父一作人與葛篇

依依宜織江雨空雨中六月蘭臺風博羅老  
仙時出洞千載石林啼鬼工蛇毒濃凝洞堂  
濕江魚不食銜沙立欲剪箱中一尺天吳娥  
莫道吳刀澁

仁和里雜敘皇甫湜湜新尉陸渾

大人乞馬癯乃寒宗人貸宅荒厥垣橫庭鼠

逞空土澁出籬大棗垂珠殘安定美人截黃  
綬脫落纓裾暝朝酒還家白筆未上頭使我  
清聲落人後枉辱稱知犯君眼排引纔陞強  
絀斷洛風送馬入長關鬪扇未開逢狹犬那  
知堅都相草草客枕幽單眉春老歸來骨薄  
面無膏疫氣衝頭鬢莖少欲雕小說于天官  
宗孫不調為誰憐明朝下元復西道崆峒敘

白鹿齋摹古

漢蔡中郎竹冊

別長如天

宮娃歌

蟾光高懸照紗空花房夜擣紅守宮象口吹  
香毘毘暖七星挂城聞漏板寒入罌罌殿影  
昏彩鸞簾額著霜痕啼蛄弔月鈎欄下屈膝  
銅鋪鏤阿甄夢入家門上沙渚天河落處長  
州路願君光明如太陽放妾騎魚撒波去



堂堂

堂堂復堂堂紅脫梅灰香十年蠹粉生畫梁  
饑蟲不食摧碎黃蕙花已老桃葉長禁院懸  
簾隔御光華清源中礮石湯狉狉白鳳隨君  
王

勉愛行二首送小季之廬山

洛郊無俎豆弊廡慚老馬小鴈過鑪峰影落

白鹿齋摹古

漢蔡中郎竹冊

楚水下長船倚雲泊石鏡秋涼夜豈解有鄉  
情弄月聊鳴啞

別柳當馬頭官槐如兔目欲將千里別持我  
易斗粟

南雲北雲空脈斷靈臺經絡懸春綫青軒樹  
轉月滿牀下國饑兒夢中見維爾之昆二十  
餘年來持鏡頗有鬚辭家三載今如此索米

王門一事無荒溝古水光如刀庭南拱柳生  
蟻蟾江干幼客真可念郊原曉吹悲號號

致酒行

零落棲遲一杯酒主人奉觴客長壽主父西  
遊困不歸家人折斷門前柳吾聞周馬管仲  
新豐客天荒地老無人識空將牋上兩行書  
直犯龍顏請恩澤我有迷魂招不得雄雞一

白鹿齋摹古

聲天下白少年心事當拏雲誰念幽寒坐鳴  
呢

長歌續短歌

長歌破衣襟短歌斷白髮秦王不可見旦夕  
成內熱渴飲壺中酒饑拔隴頭粟淒淒四月  
闌千里一時綠夜峰何離離明月落石底徘徊  
沿石尋照出高峰外不得與之遊歌成鬢

先改

公莫舞歌 并序

公莫舞歌者詠項伯翼蔽劉沛公也會中  
壯士灼灼於人故無復書且南北樂府率  
有歌引賀陋諸家今重佗公莫舞歌云

方花古礎排九楹刺豹淋血盛銀鬕華筵鼓  
吹無桐竹長刀直立割鳴箏橫楣簾錦生紅

白鹿齋摹古

緯日炙錦媽王未醉腰下三眉寶玦光項莊  
掉箭欄前起材官小臣公莫舞座上真人赤  
龍子芒碭雲瑞抱天迴咸陽王氣清如水鐵  
樞鐵捷重東關大旗五丈幢雙鏢藻王今日  
頒秦印絕臙剝腸臣不論

昌谷北園新笋四首

籜落長竿削玉開君看母笋是龍材  
受容一

夜抽千尺別却池園數寸泥  
欣取青光寫楚辭膩香春粉黑離離無情有  
恨何人見露壓烟啼千萬枝  
家泉石眼兩三莖曉看陰根紫陌生今年水  
曲春沙上笛管新篁拔玉青  
古竹老稍惹碧雲茂陵歸卧歎清貧風吹千  
畝迎雨嘯鳥重一枝入酒樽

白鹿齋摹古

漢蔡中郎竹冊

惱公

宋玉愁空斷嬌嬈粉自紅歌舞春草露掩門  
杏花叢汪口櫻桃小添眉桂葉濃曉奩粧秀  
靨夜帳減香筒鈿鏡飛孤鵲江圖畫水洪陂  
陀梳碧鳳腰裊帶金蟲桂若含清露河蒲聚  
紫茸月分娥黛破花合靨朱融髮重疑盤霧  
靨輕乍倚風寄書題豈覺隱語笑芙蓉莫鎖

芥萸匣休開翡翠籠弄珠驚漢燕燒蜜引胡  
蜂醉擷拋紅網單羅挂綠蒙數錢教姹女採  
藥問已實勻臉安斜鴈移燈想夢熊腸攢非  
束竹弦急是張弓晚樹迷新蝶殘蜺憶斷虹  
古時填渤海今日鑿崆峒繡脊褰長幔羅裙  
結短封心搖如舞鶴骨出似飛龍井檻淋清  
漆門鋪綴白銅隈花開兔迳向壁印狐蹤玳

白鹿齋摹古

瑁釘簾薄琉璃疊扇烘象牀綠素栢瑶席卷  
香蕊細管吟朝幌芳醪落夜楓宜男生楚卷  
梔子發金墉龜甲開屏澁戴毛滲墨濃黃庭  
留衛瓘綠樹養韓馮雞唱星懸柳鴉啼露滴  
桐黃娥初出空寵妹始相從蠟淚垂蘭燼秋  
蕪掃綺櫳吹笙翻舊引沽酒待新豐短佩愁  
填粟長弦怨削崧曲池眠乳鴨小閣睡娃僮

褥縫蒸雙綫釣鎬辯五驄蜀煙飛重錦峽雨  
濺輕容拂鏡羞溫嶠薰衣避賈充魚生玉藕  
下人在石蓮中含水彎娥翠登樓漢馬鬣使  
君居曲陌園今住臨邛桂火流蘇暖金爐細  
炷通春遲王子態鶯轉謝娘慵玉漏三星曙  
銅街五馬逢犀株防膽怯銀液鎮心忪跳脫  
眉年命琵琶道吉凶王時應七夕夫位在三

白鹿齋摹古

漢蔡中郎竹冊

宮無力塗雲母多方帶藥翁符因青鳥送囊  
用絳紗縫漢苑尋宮柳河橋闕禁鍾月明中  
婦覺應笑畫堂空

感諷五首

合浦無明珠龍洲無木奴足知造化力不給  
使君須越婦未織作吳蚕始蠕蠕縣官騎馬  
來穉色虬紫鬚懷中一方板板上數行書不



因君使怒馬得詣爾廬越婦拜縣官桑牙今  
尚小會待春日宴絲車方擲掉越婦通言語  
小姑具黃梁縣官踏餐去薄吏復登堂  
竒俊無少年日車何甓甓我待紆雙綬遺我  
星星髮都門賈生墓青蠅久未絕寒食垂楊  
天憤景長肅殺皇漢十二帝唯帝稱睿哲一  
夕信監兒文明永淪歎

白麻齋摹古

漢蔡中郎竹冊

南山何其悲鬼雨灑空草長安半夜秋風剪  
春姿老低迷黃昏暹裊裊青櫟道月午樹立  
影一山唯白曉漆炬迎新人幽壙螢擾擾  
星盡四方高萬物知天曙已生湏已養荷擔  
出門去君平久不反康伯遁國路曉思何說  
說闌闌千人語

石根秋水明  
秋草瘦侵衣  
野竹香蟄蟄

漢蔡中郎竹冊

李長吉詩集第三卷



追和何謝銅雀妓

佳人一壺酒秋容滿千里石馬卧新烟憂來  
何所侶歌聲且潛弄陵樹風自起長裾壓高  
臺泪眼看花機

送秦光祿北征

北虜膠堪折秋沙亂曉鬢胡頻犯塞驕氣

侶橫霓灞水樓船渡營門細柳開將軍馳白  
馬豪彥騁雄材箭射撓槍落旗懸日月低榆  
稀山易見甲重馬頻嘶天遠星光沒沙平草  
葉齊風吹雲路火雪汙玉關泥屢斷呼韓頭  
曾燃董卓臍太常猶舊寵光祿是新隣寶玦  
騏驎起銀壺狒狒啼桃花遶馬發綵絮撲鞍  
來呵臂懸金斗當唇注玉壘清蘇和碎蟻紫

白鹿齋摹古

漢蔡中郎竹冊

膩卷浮盃席鄴先蒙馬魚腸且斷犀趨譚西  
旅狗感額北方奚守帳燃香暮看鷹永夜棲  
黃龍就別鏡青塚念陽臺周處長橋役侯調  
短弄哀錢塘階鳳羽正室擘鸞釵內子攀琪  
樹羗鬼奏落梅今朝擎劍去何日刺蛟廻

酬荅二首

金魚公子夾衫長密裝腰鞞割玉方行處春

風隨馬尾柳花偏打內家香

雍州二月梅池春御水鷓鴣暖白蘋試問酒  
旗歌板地今朝誰是拗花人

畫角東城

河轉曙蕭蕭鴉飛睥睨高帆長標越甸壁冷  
挂吳刀淡菜生寒日鱖魚溟白濤水花沾抹  
額旗鼓夜迎潮

白鹿齋摹古

漢蔡中郎竹冊

謝秀才有妾縞練改從於人秀才引留  
之不得後生感憶座人製詩嘲誚賀  
復繼四首

誰知泥憶雲望斷梨花春荷絲製機練竹葉  
剪花裙月明啼阿姊燈暗會良人也識君夫  
婿金魚挂在身

銅鏡立青鸞燕脂拂紫綿腮花弄暗粉眼尾

淚侵寒碧玉破不復瑤琴重潑絃今日非昔  
日何人敢正省

洞房思不禁蜂子偷花心交暖殘香炷髮冷  
青虫簪夜遙燈焰短睡熟小屏深好作鴛鴦  
夢南城罷擣毬

尋常輕宋玉今日嫁文鴛戟幹橫龍簾刀環  
倚桂窓邀人裁半袖端坐據胡床泪濕紅輪

白麻齋摹古

漢蔡中郎竹冊

重栖烏上井梁

昌谷讀書示巴童

蟲響燈光薄霄寒藥氣濃君憐垂翅客辛苦  
尚相從

巴童答

巨鼻宜山褐龐眉入苦吟非君唱樂府誰識  
怨秋深

代崔家送客

行蓋柳烟下馬蹄白翩翩恐隨送處盡何忍  
重揚鞭

出城

雪下桂花稀啼鳥被彈歸關水乘驢影秦風  
帽帶垂入鄉試萬里無印自堪悲卿卿忍相  
問鏡中霞淚姿

白麻齋摹古

漢蔡中郎竹冊

莫種樹

園中莫種樹種樹四時愁獨睡南林月今秋  
侶去秋

將發

東床卷席罷護落將行去秋白遙遙空日滿  
門前路

追賦畫江潭苑四首



吳苑曉蒼蒼宮衣水濺黃小鬟紅粉薄騎馬  
珮珠長路拍臺城迥羅薰袴褶香行雲霑翠  
輦今日侶襄王

寶袜菊衣單蕉花密露寒水光蘭澤葉重帶  
剪刀錢角暖盤弓易靴長上馬難淚痕霑寢  
帳勻粉照金鞍

剪翅小鷹斜緜根玉鏃花鞦垂粧鈿粟箭箠

白麻齋摹古

漢蔡中郎竹冊

釘文牙鬪鬪啼深竹鷓鴣老濕沙宮官燒蠟  
火飛燼汗鉛華

十騎簇芙蓉宮衣小隊紅練香煙宋鵲尋箭  
踏盧龍旗濕金鈴重霜乾玉鐙空今朝畫眉  
早不待景陽鍾

潞州張大宅病酒遇江使寄上十四兄  
秋至昭關後當知趙國寒繫書隨短羽寫恨

破長牋病客眠清曉  
踈桐墜綠鮮  
城鴉啼粉蝶  
軍吹壓蘆烟  
岸憤塞沙幌  
枯塘卧折蓮  
木窓銀跡盡  
石磴水痕錢  
旅酒侵愁肺  
離歌繞懦絃  
詩封兩條淚  
露折一枝蘭  
莎老沙雞泣  
松乾瓦獸殘  
覺騎燕地馬  
夢載楚溪船  
楸桂傾長席  
鱸魴研玳筵  
豈能忘舊路  
江島滯佳年

白鹿齋摹古

難忘曲

夾道開洞門  
弱楊低畫戟  
簾影竹華起  
簫聲吹日色  
蜂語繞粧鏡  
拂蛾學春碧  
亂繫丁香稍  
滿欄花向夕

賈公問貴婿曲

朝衣不須長  
分花對祀縫  
嚶嚶白馬來  
滿腦黃金重  
今朝香氣苦  
珊瑚澁難枕  
且要弄風

人暖蒲沙上飲燕語踏簾鈎日虹屏中碧滿  
令在河陽無人死芳色

夜飲朝眠曲

觴酣出座東方高腰橫半解星勞勞柳花鴉  
啼公主醉薄露壓花蕙蘭氣玉轉濕絲牽曉  
水契粉生香琅玕紫夜飲朝眠斷無事楚羅  
之幃卧皇子

白鹿齋摹古

漢蔡中郎竹冊

王濬墓下作

人間無阿童猶唱水中龍白草侵烟死秋藜  
遶地紅古書千黑石神劍斷青銅耕勢魚鱗  
起墳科馬鬣封菊花垂濕露棘廷卧乾蓬松  
栢愁香澁南原幾夜風

客遊

悲滿千里心日暖南山石不謁承明廬老作

平原客四時別家廟三年去鄉國旅歌屢彈  
缺歸問時裂帛

崇義里滯雨

落莫誰家子來感長安秋壯年抱羈恨夢泣  
生白頭瘦馬秣敗草雨洙飄寒溝南宮古簾  
暗濕景傳籤籌家山遠千里雲脚天東頭憂  
眠枕劍匣客帳夢封侯

白鹿齋摹古

馮小憐

灣頭見小憐請上琵琶絃破得東風恨今朝  
直幾錢裙垂竹葉帶鬢濕杏花烟玉冷紅絲  
重齊宮妾駕鞍

贈陳商

長安有男兒二十心已朽楞伽堆案前辯楚  
繫肘後人生有窮拙日暮聊飲酒祇今道已

塞何必湏白首淒淒陳述聖披褐鉏耒豆學  
為堯舜文時人責衰偶柴門車轍凍日下榆  
影瘦黃昏訪我來苦節責陽陂太華五千仞  
臂地抽森秀旁古無寸尋一上戛牛斗公卿  
縱不言寧能鑿吾口李生師太華大坐肩白  
晝逢霜作樸橄得氣為春柳禮節乃相去顛  
顛如芻狗風雪直齋壇墨組貫銅綬臣妾氣

白麻齋摹古

漢蔡中郎竹冊

態間唯欲承箕帚天眼何時開古劒庸一吼

釣魚詩

秋水釣紅蕖仙人待素書菱絲縈獨繭菰米  
蟄雙魚斜竹垂清沼長綸貫碧虛餌懸春蜚  
蜴鈎墜小蟾蜍詹子情無限龍陽恨有餘為  
看烟浦上楚女淚沾裾

奉和二兄罷使遣馬歸延州

空留三尺劍不用一九泥馬向沙場去人歸  
故國來笛愁翻隴水酒喜漉春交錦帶休驚  
鴈羅衣向鬪雞還吳已渺渺入郢莫淒淒自  
是桃李樹何畏不成蹊

荅贈

本是張公子曾名萼綠華沈香燵小像楊柳  
伴啼鴉露重金泥冷盃闌玉樹斜琴堂沽酒

白鹿齋摹古

客新買後園花

題趙生壁

大婦燃竹根中婦春玉屑冬暖拾松枝日烟  
生蒙滅木蘚青桐老石泉水聲發曝背卧東  
亭桃花滿饑骨

感春

日暖自蕭條花悲北郭騷榆穿菜子眼柳斷

舞兒腰上幕迎神燕飛絲送百勞胡琴今日  
恨急語向檀槽

仙人

彈琴石壁上翻翻一仙人手執白鸞尾夜掃  
南山雲鹿飲寒澗下魚歸清海濱當時漢武  
帝書報桃花春

河陽歌

白鹿齋摹古

染羅衣秋藍難著色不是無心人為佗臺印  
客花燒中潭城顏郎身已老惜許兩少年抽  
心似春草今日見銀牌今夜鳴玉燕牛頭高  
一尺隔坐應相見月從東方來酒從東方轉  
航船飲口紅蜜炬千枝爛

花遊曲

并序

寒食日諸王妓遊賀入座因採梁簡文詩



調賦花遊曲與妓彈唱

春柳南陌態冷花寒露姿今朝醉城外拂鏡  
濃掃眉烟濕愁車重紅油覆畫衣舞裙香不  
暖酒色上來遲

春晝

朱城報春更漏轉光風催蘭吹小殿草細堪  
梳柳長如練卷衣秦帝掃粉趙燕日含畫幕

白鹿齋摹古

蜂上羅薦平陽花塢河陽花縣越婦楮機吳  
蠶作繭菱汀繫帶荷塘倚扇江南有情塞北  
無限

安樂宮

深井桐烏起尚復牽情水未盥邵陵瓜瓶中  
弄長翠新城安樂宮宮如鳳凰翅歌迴蠟板  
鳴左幃提壺使綠繫悲水曲茱萸別秋子

蝴蝶飛

楊花撲帳春雲熱  
龜甲屏風醉眼擷  
東家蝴蝶西家飛  
白騎少年今日歸

梁公子

風彩出蕭家  
本是菖蒲花  
南塘蓮子熟  
洗馬走江涯  
御牋銀洙冷  
長筆鳳窠斜  
種柳營中暗  
題書賜館娃

白鹿齋摹古

牡丹種曲

蓮枝未長秦蘅老  
走馬馱金斲春草  
水灌香泥却月盆  
一夜綠房迎白曉  
美人醉語園中烟  
晚華已散蝶又闌  
梁王老去羅衣在  
拂袖風吹蜀國絃  
歸霞帔拖蜀帳  
昏媽紅落粉罷承  
恩檀郎謝女眠  
何處樓庭月明燕  
夜語

後園鑿井

井上轆轤牀上轉水聲繁絃聲淺情若何荀  
奉倩城頭日長向城頭住一日作千年不須  
流下去

開愁歌 華下作

秋風吹地百艸乾華容碧影生曉寒我當二  
十不得意一心愁謝如枯蘭衣如飛鷄馬如  
狗臨岐繫劍生銅吼旗亭下馬解秋衣請貫

白鹿齋卷古

宜陽一壺酒壺中喚天雲不開白晝萬里關  
淒迷主人勸我養心骨莫受俗物相填狹

秦宮詩 并序

漢人秦宮將軍梁冀之嬖奴也秦宮得寵  
內舍故以驕名大譟於人予撫舊而作長  
辭以為子都之事相為對望又云昔有之  
詩

越羅衫袂迎春風，玉刻麒麟腰帶紅。樓頭曲  
宴仙人語，帳底吹笙香霧濃。人間酒煖春茫  
茫，花枝入簾白日長。飛牕複道傳籌飲，十夜  
銅盤膩燭黃。禿衿小袖調鸚鵡，紫燕麻霞踏  
哮雷。斫桂燒金待晚筵，白鹿清酥夜半煮。桐  
英永巷騎新馬，內屋深屏生色畫。開門爛用  
水衡錢，卷起黃河向身瀉。皇天厄運猶曾裂

白麻齋摹古

秦宮一生花裡活，鸞篋奪得不還人。醉睡瓊  
瑜滿堂月

古鄴城童子謠，効王粲刺曹操

鄴城中暮塵起，探黑丸斫文吏。棘為鞭，常為  
馬團團走。鄴城下切玉劍射日，弓獻何人奉  
相公扶輅來，關右兒香掃塗相公歸

楊生青花紫石硯歌

端州石工巧如神踏天磨刀割紫雲傭利抱  
水含滿唇暗灑萇弓冷血痕紗帷晝暖墨花  
春輕漚漂沫松麝薰乾膩薄重立脚勻數寸  
光秋無日昏圓毫促點聲靜新孔規寬頑何  
足云

房中思

新桂如蛾眉秋風吹小綠行輪出門去玉鸞

白麻齋摹古

聲斷續月軒下風露曉庭自幽澁誰能事貞  
素卧聽莎雞泣

石城曉

月落大堤上女垣棲鳥起細露濕團紅寒香  
解夜醉女牛渡天河柳烟滿城曲上客留斷  
纓殘蛾鬪雙綠春帳依微蟬翼羅橫茵突金  
隱體花帳前輕絮鶴毛起欲說春心無所侶

苦短晝

飛光飛光勸爾一杯酒吾不識青天高黃地  
厚唯見月寒日暖來煎人壽食熊則肥食蛙  
則瘦神君何在太一安有天東有若木下置  
銜燭龍吾將斬龍足嚼龍肉使之朝不得回  
夜不得伏自然老者不死少者不哭何為餌

一作

黃金吞白玉誰侶任公子雲中騎白驢

白麻齋摹古

劉徹茂陵多滯骨羸政梓棺費鮑魚

章和二年中

雲蕭索風拂拂麥光如篲黍如粟關中父老  
百領襦關東吏人之詬租健犢春耕土膏黑  
芎蒲叢叢沿水脈殷勤為我下田租百錢攜  
賞絲桐客遊春湯光塢花白野林散香神降  
席拜神得壽獻天子七星貫斷嫦娥死

春歸昌谷

束髮方讀書謀身苦不早終軍未乘傳顏子  
鬢先老天網信崇大矯士常騷騷逸目駢甘  
華驕心如荼慕早雲二三月岑岫相顛倒誰  
揭頰玉盤東方發紅照春熱張鶴盖兔目官  
槐小思焦面如病嘗膽腸侶絞京國心爛漫  
夜夢歸家少發軔東門外天地皆浩浩青樹

白麻齋摹古

漢蔡中郎竹冊

驪山頭花風滿秦道宮臺光錯落裝盡偏峰  
嶠細綠及團紅當路雜啼笑香風下高廣鞍  
馬正華耀獨乘雞樓車自覺少風調心曲語  
形影祇身馬足樂豈能脫負擔刺鶴曾無兆  
幽幽太華側老栢如建燾龍皮相排戛翠羽  
更蕩掉驅趨委憔悴眺覽強笑貌花蔓闕行  
翰穀烟暝深徼少健無所就入門愧家老聽



講依大樹觀書臨曲沼知非出桺需甘作歲  
霧豹韓鳥處繒繳湘儻在籠罩狹行無廓落  
壯士徒輕躁

昌谷詩 五月二十七日作

昌谷五月稻細青滿平水遙巖相壓疊顏綠  
愁墮地光潔無秋思一作涼曠吹浮媚竹香  
滿淒窳粉節塗生翠草髮垂根鬢光露泣幽

白麻齋摹古

淚層園爛洞曲芳徃老紅翠攢蟲鏤古柳蟬  
子鳴高邃大帶委黃葛紫蒲交狹淡石錢差  
復藉厚葉皆蟠膩汰沙好平白立馬印青字  
晚鱗自遨遊瘦鵠暝單跼嘹嘹濕姑聲咽源  
驚濺起紆緩玉真路近武后巡幸路神娥蕙花裡苔  
絮縈洞礫山實垂頰紫小栢儼重扇肥松突  
丹髓鳴流走響韻壑秋拖光穉鶯唱閔女歌

瀑懸楚練帔風露滿笑眼駢巖雜舒墜亂條  
迸石嶺細頸喧鳥瑟日脚掃昏翳新雲啓華  
閔謚謚厭夏光商風道清氣高眠復玉容燒  
桂祀天几谷與女山嶺阪相承遺山几  
即蘭昔神女上天處几在焉霧衣  
夜披拂眠壇夢真粹待駕棲鸞老故宮榭壁  
圮福昌宮鴻瓏數鈴響羈臣發涼思陰藤東  
朱鍵龍帳著魑魅碧錦帖花檉香衾事殘貴

白鹿齋摹古

歌塵蠹木在舞綵長雲侶玲瓏割綉段里俗  
祖風義隣凶不相杵疫病無邪祀鮒文識仁  
惠州角知覲耻縣省司刑官戶乏詬租吏竹  
藪添墮簡石磯引鈎餌溪灣轉水帶芭蕉傾  
蜀紙岑光見穀襟孤景拂繁事泉樽陶宰酒  
月眉謝郎妓丁丁幽鍾遠矯矯單飛至霞爨  
毀嗟峨危溜聲爭次淡蛾流平碧薄月眇陰

悴涼光入澗岸廓盡山中意漁童下宵網霜  
禽竦烟翅潭鏡滑蛟涎浮珠噉魚戲風桐瑤  
匣瑟螢星錦城使柳綴長縹帶篁棹短笛吹  
石根緣綠蘚蘆笋抽丹漬漂旋弄天影古檜  
擎雲臂愁月微帳紅冑雲香莛刺芒麥千百  
井閭乘列千肆刺促成幾人好學鷓鴣子

銅駝悲

白麻齋摹古

落魄三月罷尋花去東家誰作送春曲洛岸  
悲銅駝橋南多馬客北山饒古人客飲杯中  
酒駝悲千萬春生世莫徒勞風吹盤上燭厭  
見桃株笑銅駝夜來哭

自昌谷到洛後門

九月大野白蒼岑竦秋門寒涼十月未雪霰  
濛曉昏澹色結畫天心事瑣空雲道上千里

風野竹蛇涎痕石澗凍波聲雞叫清寒晨強  
行到東舍解馬投舊鄰東家名廖者鄉曲傳  
姓辛杖頭非飲酒吾請造其人始欲南去楚  
又將西適秦襄王與武帝各自留青春聞道  
蘭臺上宋玉無歸魂細縹兩行字螭蟲蠹秋  
芸為探秦臺意豈命余負薪

十月一日曉入太行山

白鹿齋摹古

漢蔡中郎竹冊

一夕遶山秋香霧溘蒙策新橋倚雲阪候蟲  
新露樸洛南今已遠越衾誰為熟石氣何淒  
淒老涉如短簇

秋涼詩寄正字十二兄

閉門感秋風幽姿任契濶大野生素空天地  
曠肅殺光露泣殘蕙蟲響連夜發房寒寸輝  
薄迎風絳紗折披書古芸馥恨唱華容歇百

日不相知花光變涼節弟兄誰念慮戕翰既  
通達青袍度白馬草簡奏東闕夢中相聚笑  
覺見半牀月長思劇尋環亂憂抵單葛

白鹿齋摹古

漢蔡中郎竹冊

李長吉詩集第四卷

艾如張 艾音又

錦襜榆繡褱襦強飲啄哺爾雛隴東卧稔滿  
風雨莫信良媒隴西去齊人織網如素空張  
在野山平碧中網絲漠漠無形影誤爾觸之  
傷首紅艾葉綠花誰剪剝中藏禍機不可測

上雲樂

飛香走紅滿天春花龍盤盤上紫雲三千宮  
女列金屋五十絃瑟海上聞天江碎碎銀沙  
路羸女機中斷煙素縫舞衣八月一日君前  
舞

摩多樓子

玉塞去金人二萬四千里風吹沙作雲一時  
渡遼水天白水如練甲絲雙串斷行行莫苦

白鹿齋摹古

漢蔡中郎竹冊

辛城月猶殘半曉氣朔煙上趨起胡馬啼行  
人臨水別隴水長東西

猛雷行 四言

長戈莫春強弩莫梓乳孫哺子教得生獍舉  
頭為城掉尾為旌東海黃公愁見夜行道逢  
騶虞牛哀不平何用尺刀壁上雷鳴泰山之  
下婦人哭聲官家有程吏不敢聽

日出行

白日下崑崙發光如舒絲徒照葵藿心不照  
遊子悲折折黃河曲日從中央轉賜谷耳曾  
聞若木眼不見柰爾鑠石胡為銷人昇鸞弓  
屬矢那不中足令人不見奔詎教晨光夕昏

苦篁調嘯引

請說軒轅在時事伶倫採竹二十四伶倫採

白鹿齋摹古

漢蔡中郎竹冊

之自崑丘軒轅詔遣中分作十二伶倫以之  
正音律軒轅以之調元氣當時黃帝上天時  
二十三管咸相隨唯留一管人間吹無德不  
能得此管此管沈埋虞舜祠

拂舞歌詞

吳娥聲絕天空雲閒徘徊門外滿車馬亦須  
生綠苔樽有烏程酒勸君千萬壽全勝藻武



錦樓上曉望晴寒飲花露東方日不破天光  
無老時丹成作蛇乘白霧千年重化玉井土  
從蛇作土二千載吳堤綠草年年在背有八  
卦稱神仙邪鱗頑甲滑腥涎

夜坐吟

踏踏馬蹄誰見過眼眉北斗直天河西風羅  
幕生翠波鉛華笑妾顰青娥為君起唱長相

白鹿齋摹古

漢蔡中郎竹冊

思簾外嚴霜皆倒飛明星爛爛東方陸紅霞  
稍出東南陌陸郎去矣乘班騅

筥篥引 又曰公無渡河

公乎公乎提壺將馬如屈平沈湘不足慕徐  
衍入海誠為愚公乎公乎牀有管席盤有魚  
北里有賢兄東隣有小姑娘畝油油黍與葫  
瓦甌濁醪蟻浮浮黍可食醪可飲公乎公乎

其柰君被髮奔流竟何如賢兄小姑哭嗚嗚  
巫山高

碧叢叢高挿天大江翻瀾神曳烟楚魂尋夢  
風颺然曉風飛雨生苔錢瑤姬一去一千年  
丁香筇竹啼老猿古桐近月蟾桂寒榭花墜  
紅濕雲間

平城下

白鹿齋摹古

漢蔡中郎竹冊

饑寒平城下夜夜守明月別劍無玉花海風  
斷鬢髮塞長連白空遙見漢旗紅青帳吹短  
笛烟霧濕畫龍日晚在城上依稀望城下風  
吹枯蓬起城中嘶瘦馬借問築城吏去關幾  
千里惟愁裹屍歸不憚倒戈死

江南弄

江中綠霧起涼波天上疊燿紅嗟峨水風浦

雲生老竹渚暝蒲帆如一幅鱸魚千頭酒百  
斛酒中倒卧南山綠吳歛越吟未終曲江上  
團團帖寒玉

榮華樂

一作東洛梁家謠

鳶肩公子二十餘齒編貝唇繳朱氣如虹蜺  
飲如建瓴走馬夜歸叫嚴更徑穿復道遊榭  
房龍裘金玦雜花光玉堂調笑金樓子臺下

白鹿齋摹古

漢蔡中郎竹冊

戲學邯鄲倡口吟舌話稱女郎錦袿繡面漢  
帝旁得明珠十斛白璧一雙新詔垂金曳紫  
光煌煌馬如飛人如水九卿六官皆望履將  
迴日月先反掌欲作江河唯畫地峨峨虎冠  
上切雲竦劍晨趨凌紫氛繡段千尋貽皂隸  
黃金百鎰貺家臣十二門前張大宅晴春烟  
起連天碧金鋪綴日雜紅光銅龍鬣環侶爭

力瑤姬凝醉卧芳席海素籠窗空下隔丹穴  
取鳳充行庖饗饗如拳那足食金蟾呀呀蘭  
燭香軍裝武妓聲琅璫誰知花雨夜來過但  
見池臺春艸長嘈嘈絃吹匝天開洪崖蕭聲  
遶天來天長一矢貫雙虜雲駝絕騁聒早雷  
亂袖交竿管兒舞吳音綠鳥學言語能教刺  
后平紫金解送刺毛寄新兔三皇皇后七貴

白麻齋摹古

漢蔡中郎竹冊

人五十校尉二將軍當時飛去逐彩雲化佗  
今日京華春

相勸酒

義和騁六轡晝夕不曾閒彈烏崦嶷竹扶馬  
蟠桃鞭蓐收既斷翠柳青帝又造紅蘭堯舜  
至今萬萬歲數子將為傾盖間青錢白璧買  
無端丈夫快意方為懽臞螭臞熊何足云會

須鍾飲北海箕踞南山歌淫淫管悒悒橫波  
好送雕題金人生得意且如此何用強知元  
化心相勸酒終無輟伏願陛下鴻名終不歇  
子孫繇如石上葛來長安車駢中有梁冀舊  
宅石崇故園

瑤華樂

穆天子走龍媒八轡冬瓏逐天迴五精掃地

白麻齋摹古

漢蔡中郎竹冊

凝雲開高門左右日月環四方錯鏤稜層殷  
舞霞垂尾長盤珊江澄海淨神母顏施紅點  
翠照虞泉曳雲拖玉下崑山列旆如松張蓋  
如輪金風殿秋清明發春八鑿十乘轟如雲  
屯瓊鍾瑤席甘露文玄霜降雪何足云薰梅  
染柳將贈君鉛華之水洗君骨與君相對作  
真實

北中寒

一方黑照三方紫  
黃河水合魚龍死  
三尺水皮斷文理  
百石強車上河水  
霜花艸上大如錢  
揮刀不入迷濛天  
爭滄海水飛凌喧  
山瀑無聲玉虹懸

梁臺古愁

梁王臺沼空中立  
天河之水夜飛入  
臺前闔

白廉齋摹古

漢蔡中郎竹冊

玉仵蛟龍綵粉掃  
天愁露濕撞鍾飲  
酒行射天金帛感  
衰噴血班朝朝暮  
暮愁海翻長繩繫  
日樂當年芙蓉凝  
紅得秋色蘭臉別  
春啼脉脉蘆洲客  
鴈報春來寒落野  
湟秋漫白公無出  
門

天迷迷地密密熊  
虺食人魂雪霜斷  
人骨嗾犬唁唁相  
索索舐掌偏宜佩  
蘭客帝遣乘軒

灾自滅玉星點劍黃金輓我雖跨馬不得還  
應陽湖波大如山毒虬相視振金環狡猥猥  
偷吐噉涎鮑焦一世披草眠顏回廿九鬢毛  
班顏回非血衰鮑焦不違天天畏遭啣齧所  
以致之然分明猶懼公不信公看呵壁書問  
天

神絃曲

白麻齋摹古

漢蔡中郎竹冊

西山日沒東山昏旋風吹馬馬踏雲畫絃素  
管聲淺繁花裙綵繚步秋塵桂葉刷風桂墜  
子青狸哭血寒狐死古壁彩虬金帖尾雨工  
騎入秋潭水百年老鷄成木魅笑聲碧火巢  
中起

神絃

女巫澆酒雲滿空玉爐炭火香爨爨海仙山



鬼來座中紙錢窸窣鳴颼風相思木帖舞金  
鸞攢蛾一吐重一彈呼星召鬼歆杯盤山魅  
食時人森寒終南日色低平灣神宇長在有  
無間神嗔神喜師更顏送神萬騎還青山

神絃別曲

巫山小女隔雲別春風松花山上發綠蓋獨  
穿香逕歸白馬花竿前子子蜀江風澹水如

白鹿齋摹古

漢蔡中郎竹冊

羅墮蘭誰泛相經過南山桂樹為君死雲衫  
淺汗紅脂花

綠水詞

今宵好風月阿侯在何處為有傾人色翻成  
足愁苦東湖採蓮葉南湖拔蒲根未持寄小  
姑且持感秋魂

沙路曲

柳臉半眠丞相樹珮馬釘鈴踏沙路斷燼遺  
香裊翠烟燭騎啼鳴天上去帝家玉龍開九  
闕帝前動笏移南山獨垂重印押千官金窠  
篆字紅屈盤沙路歸來聞好語旱火不光天  
下雨

上之回

上之回大旗喜懸紅雲捷鳳尾劔匣破舞蛟

白麻齋摹古

漢蔡中郎竹冊

龍蚩九死鼓逢逢天齊慶雷齊墜地地無驚  
煙海千里

高軒過

華裾織翠青如葱金環壓轡搖玲瓏馬蹄隱  
耳聲隆隆入門下馬氣如虹云是東京才子  
文章鉅公二十八宿羅心肯元精耿耿貫當  
中殿前佞賦聲摩空筆補造化天無功龐眉

書客感秋蓬誰知死艸生華風我今垂翅附  
冥鴻他日不羞蛇作龍

貝宮夫人

丁丁海女弄金環雀釵翹揭雙翅關六宮不  
語一生閒高懸銀榜照青山長眉凝綠幾千  
年清涼堪老鏡中鸞秋牋稍覺玉衣寒空光  
帖妥水如天

白鹿齋摹古

漢蔡中郎竹冊

蘭香神女廟 三月中作

古春季季在閒綠搖暖雲松香飛晚華柳渚  
含日昏沙砲落紅滿石泉生水芹幽篁畫新  
粉蛾綠橫晚門弱蕙不勝露山秀愁空春舞  
珮剪鸞翼帳帶塗輕銀蘭桂吹濃香菱藕長  
芊芊看雨逢瑤姬乘船直江君吹簫飲酒醉  
結綬金絲裙走天呵白鹿遊水鞭錦鱗密髮

虛鬟飛膩頰凝花  
勻團鬢分珠窠  
濃眉籠小唇  
弄蝶和輕妍  
風光怯腰身  
深闈金鴨冷  
奩鏡幽鳳塵  
踏霧乘風歸  
撼玉山上門

送韋仁實兄弟入關

送客飲別酒  
千觴無赭顏  
何物最傷心  
馬首鳴金鑼  
野色浩無主  
秋明空曠間  
聖來壯膽破  
斷目不能睂  
行槐引西道  
青梢長攢攢  
草

白麻齋摹古

漢蔡中郎竹冊

郎好兄弟疊玉生  
文翰我在山上舍  
一畝萬畝田  
夜雨叫租吏  
春聲暗交關  
誰解念勞勞  
蒼突唯南山

洛陽城外別皇甫湜

洛陽吹別風  
龍門起斷烟  
冬樹東生澁  
晚紫凝華天  
單身野霜上  
疲馬飛蓬間  
凭軒一雙淚  
奉陸綵衣前

溪晚涼

白狐向月豨山風秋寒掃雲留碧空玉煙青  
濕白如幢銀灣曉轉流天東溪汀眠鷺夢征  
鴻輕連不語細溶溶層岫迴岑複疊龍苦篁  
對客吟歌筒

官不來題皇甫湜先輩廳

官不來官庭秋老桐鐸幹青龍愁書司曾佐

白麻齋摹古

漢蔡中郎竹冊

走如牛疊聲問佐官來否官不來門幽幽

長平箭頭歌

漆灰骨未舟水沙淒淒古血生銅花白翎金  
斡雨中盡直餘三脊殘狼牙我尋平原乘兩  
馬驛東石田蒿塢下風長日短星蕭蕭黑旗  
雲濕懸空夜左魂右魄啼臙瘦酪瓶倒盡將  
羊炙蟲棲鴈病蘆筍紅迴風送客吹陰火訪

古汎瀾收斷鏃折鋒赤墾曾封肉南陌東城  
馬上兒勸我將金換簪竹

江樓曲

樓前流水江陵道鯉魚風起芙蓉老曉釵催  
鬢語南風抽帆歸來一日功鼉吟浦口飛梅  
雨竿頭酒旗換青筇簫騷浪白雲差池黃粉  
油衫寄郎主新槽酒聲苦無力南湖一傾菱

白鹿齋摹古

漢蔡中郎竹冊

花白眼前便有千里愁小玉開屏見山色

塞下曲

胡角引北風薊門白於水天含青海道城頭  
月千里露下旗濛濛寒金鳴夜刺蕃甲鏢蛇  
鱗馬嘶青塚白秋靜見旄頭沙遠席羈愁帳  
北天應盡河聲出塞流

染絲上春機

玉甕汲水桐花井絲蓓沉水如雲影美人懶  
態燕脂愁春校拋擲鳴高樓綵線結背背復  
疊白袷玉郎寄桃葉為君挑鸞佗腰綬願君  
處處宜春雪

五粒小松歌 并序

前謝秀才杜雲卿命予佗五粒小松歌予  
以選書多事不治曲辭經十日聊道八句

白鹿齋摹古

漢蔡中郎竹冊

以當命意

蛇子蛇孫鱗蛇蛇新香幾粒洪崖飯綠波浸  
葉滿濃光細束龍髯鉸刀剪主人壁上鋪州  
圖主人堂前多俗儒月明白露秋淚滴石筍  
溪雲肯寄書

塘上行

藕花涼露濕花缺藕根澁飛下雌鴛鴦塘水



聲溘溘

呂將軍歌

呂將軍騎赤兔獨携大膽出秦門金粟堆邊  
哭陵樹北方送氣汗青天劔龍夜叫將軍聞  
將軍振袖揮劍鏑玉闕朱城有門閣榼榼銀  
龜搖白馬傳粉女郎火旗下恒山鐵騎請金  
信遙聞簾中花箭香西郊寒蓬葉如刺皇天

白原齋琴石

漢蔡中郎竹冊

親一作新裁養神驥廐中高桁排蹇蹄飽食青

蒟飲白水圓蒼低迷蓋張地九州人事皆如  
此赤山秀鋌禦時英綠眼將軍會天意

休洗紅

休洗紅洗多紅色淺卿卿騁少年  
聆日殷橋見封侯早歸來莫作絃上箭

野歌

卷四  
鴉翎羽箭山桑弓仰天射落銜蘆鴻麻衣黑  
肥衝北風帶酒日晚歌田中男兒屈窮心不  
窮枯榮不等嘆天公寒風又變為春柳條條  
眉即烟濛濛

將進酒

琉璃鍾瑋珀濃小槽酒滴真珠紅烹龍炮鳳  
玉脂泣羅屏繡幕圍香風吹龍笛擊鼉鼓皓

白麻齋摹古

齒歌細腰舞况是青春日將暮桃花亂落如  
紅雨勸君終日酩酊醉酒不到劉伶墳上土  
美人梳頭歌

西施曉夢綃帳寒香鬟墮髻半沈檀轆轤  
啞轉鳴玉驚起芙蓉睡新足雙鸞開鏡秋水  
光解鬟臨鏡立象林一編香絲雲撒地玉釵  
落處無聲膩纖手却盤老鴉色翠滑寶釵簪

不得春風爛熳惱嬌慵十八鬟多無氣力粧  
成髮鬢歌不斜雲裾數步踏鴈沙背人不語  
向何處下階自折櫻桃花

月漉漉篇

月漉漉波烟玉莎青桂花繁芙蓉別江木粉  
態袂羅寒鴈羽鋪煙濕誰能看石帆乘船鏡  
中入秋白鮮紅死水香蓮子齊挽菱隔歌袖

白鹿齋摹古

漢蔡中郎竹冊

綠刺冑銀泥

京城

驅馬出門意牢落長安心兩事誰向道自佗  
秋風吟

官街鼓

曉聲隆隆催轉日暮聲隆隆呼月出漢城黃  
柳映新簾栢陵飛燕埋香骨颺發千年日長

白孝武秦王聽不得從君翠髮蘆花色獨共  
南山守中國幾迴天上堊神仙漏聲相將無  
斷續

許公子鄭姬歌

鄭園申請賀作

許史世家外親貴宮錦千端買沈醉銅駝酒  
熱烘明膠古堤大柳煙中翠桂開客花名鄭  
袖入洛聞香鼎門口先將芍藥獻粧臺後解

白麻齋摹古

黃金大如斗莫愁簾中許合歡清弦五十為  
君彈彈聲咽春弄君骨骨興牽人馬上鞍兩  
馬八蹄踏蘭苑情和合竹誰能見夜光玉枕  
棲鳳凰袷羅當門刺純綫長翻蜀紙卷明君  
轉角含商破碧雲自從小靨來東道曲裏長  
眉少見人相如墳上生秋栢三春誰是言情  
客蛾鬟醉眼拜諸宗為謁皇孫請曹植

新夏歌

曉木千籠真蠟綵落葉枯香數分在陰枝拳  
牙卷縹帶長風迴氣扶蕊籠野家麥畦上新  
壟長吟徘徊桑柘重刺香滿地菖蒲艸雨梁  
燕語悲身老三  
月搖楊入河道天濃地濃柳  
梳掃

題歸夢

白鹿齋摹古

漢蔡中郎竹冊

長安風雨夜書客夢昌谷怡怡中堂笑小弟  
栽澗菜家門厚重意望我飽饑腹勞勞一寸  
心燈花照魚目

經沙苑

野水泛長瀾宮牙開小菑無人柳自春艸渚  
鴛鴦暖晴嘶卧沙馬老去悲啼展今春還不  
歸塞嬰折翅鴈

出城別張又新酬李漢

李子別上國南山崆峒春不聞今夕鼓差慰  
煎情人趙一賦命薄馬卿家業貧鄉書何所  
報紫巖生石雲長安玉桂國戟帶披侯門慘  
陰地自光寶馬踏曉昏臘春戲草苑玉輓鳴  
輶麟綠網絕金鈴霞卷清地湄開貫瀉蚨母  
買米防夏蠅時宜裂大袂劍客車盤茵小人

白鹿齋摹古

漢蔡中郎竹冊

如死灰心切生秋榛皇圖跨四海百姓施長  
紳光明藹不發腰龜徒覓銀吾將課禮樂聲  
調摩清新欲使十千歲帝道如飛神華寔自  
蒼老派來長傾盆沒沒暗齧舌涕血不敢論  
今將下東道祭酒而別秦六郡無勦兇長刀  
誰拭塵地理陽無正快馬逐服轅二子美年  
少調道講清渾譏笑斷冬夜家庭踈篠穿曙

風起四方秋月當東懸賦詩面投擲悲哉不  
遇人此別定露臆越布先裁巾

白麻齋摹古

漢蔡中郎竹冊

李長吉外詩集

南園

方領蕙帶折角巾杜若已老蘭苔春南山削

秀藍玉合小雨歸去飛涼雲歛杏暖香梨葉

老草稍

蒲一作

竹柵鎖池痕

滑一作

鄭公鄉老開

酒尊坐泛楚奏

酒一作

吟招魂

假龍吟歌

石乾銅盃吟詠枯瘁蒼鷹一作擺血白鳳下

肺桂子自落雲弄車蓋木死沙崩惡谿島阿

母得仙今不老窻中跳汰截清涎隈墀卧水

埋金爪崖磴蒼苔一作吊石髮江君掩帳篔

簞折蓮花去國一千年雨後聞腥猶帶鉄

### 感調六首

人間春蕩蕩帳暖香揚揚飛光染幽紅誇嬌

白鹿齋摹古

漢蔡中郎竹冊

來洞房舞席泥金蛇桐竹羅花林眼逐春暝

醉粉隨淚色黃王子下馬來曲沼鳴鴛鴦馬

知腸車轉一夕巡九方

苦風吹朔寒沙驚秦水折舞影逐空天畫鼓

餘清節蜀書秋信斷黑水朝波咽嬌魂從回

風死處懸鄉月

雜雜胡馬塵森森邊士戟天教胡馬戰曉雲



皆血色婦人攜漢卒箭箠囊巾慟不慙金印  
重踉蹌腰韃力恂恂鄉門老昨夜試鋒鏑走  
馬遣書勛誰能分粉墨

青門放彈去馬色連空郊何年帝家物玉裝  
鞍上搖去去走犬歸來來空烹羔千金不了  
饌貉肉稱盤臊試問誰家子乃老一作能佩  
乃西山白蓋下賢雋寒蕭蕭

白鹿齋摹古

漢蔡中郎竹冊

曉菊泣一作寒露侶悲團扇風秋涼經漢殿

班子泣衰紅本無辭輦意豈見入空宮腰褻  
珮珠斷灰蝶生陰松

蝶飛紅粉臺柳掃吹笙道十日懸戶庭九秋  
無衰一作素草調歌送風轉杯池白魚小水宴

截香腴菱科映青罩羊蒙一作茸梨花滿春昏

弄長嘯一作笑唯愁苦花落不悞世衰到撫舊

唯銷一作傷魂南山望悲嘯

莫愁曲

草生龍坡下鴉噪城堞頭何人此城裡城角  
栽石榴青絲繫五馬黃金絡雙牛白魚駕蓮  
船夜作十里游歸來無人識暗上沈香樓羅  
牀倚瑤瑟殘月傾簾鈎今日槿花落明朝桐  
樹秋莫負平生意何名何莫愁

白麻齋摹古

漢蔡中郎竹冊

夜來樂

紅羅複帳金流蘇華燈九枝懸鯉魚麗人映  
月開銅鋪春水滴酒猩猩沽價重一篋香十  
株赤金瓜子魚雜楚五色絲封青玉鳧阿侯  
此笑千金餘南軒漢轉簾影踈桐林啞啞挾  
子烏劒崖鞭節青石珠白騮吹湍凝霜鬢漏  
長送珮承明廬倡樓嗟峨明月孤新客下馬

故客去綠蟬秀黛重拂梳

朝雪

昨日發葱嶺今朝下蘭渚喜從千里來亂笑  
含春語一作雨龍沙濕漢旗鳳扇迎秦素久別  
遼城鶴毛衣已應故

春懷引

芳溪密影成花洞柳結濃煙花帶重蟾蜍碾

白麻齋摹古

漢蔡中郎竹冊

玉桂明弓捍撥裝金打仙鳳寶枕垂雲選春  
夢鈿合碧寒龍腦凍阿侯繫錦覓周郎憑仗  
東風好相送

白虬行

火烏日暗崩騰雲秦皇帝視蒼生羣燒書滅  
國無暇日鑄劍珮玦呼將軍玉壇設醮思冲  
天一世二世當萬年燒丹未得不死藥拏舟

海上尋神仙鯨魚張鬣海波沸耕人半作征  
人鬼雄豪猛燿烈燒空無人為決天河水誰  
寂苦兮誰最苦報人義士深相許漸離擊筑  
荆卿歌荆卿把酒燕丹語劍如霜子膽如鐵  
出燕城子望秦月天授秦封祚未終袞龍衣  
點荆卿血朱旗卓地白虎死漢皇知是真天  
子

白麻齋摹古

漢蔡中郎竹冊

有所思

去年陌上歌離曲今日君書遠遊蜀簾外花  
開二月風臺前淚滴千行竹琴心與妾腸此  
夜斷還續想君白馬懸雕弓世間何處無春  
風君心未肯鎮如石妾顏不久如花紅夜殘  
高碧橫長河河上無梁空白波西風未起悲  
龍梭年年織素攢雙蛾江山迢遞無休絕淚

眼眉燈乍明滅自從孤館深鎖窓桂花幾度  
圓還缺鴉鴉向曉鳴森木風過池塘響叢玉  
白日蕭條夢不成橋南更問仙人卜

朝少年

青驄馬肥金鞍光龍腦入縷羅衫香美人挾  
坐飛瓊觴貧人喚云天上郎別起高樓臨碧  
篠絲曳紅鱗出深沼有時半醉百花前背把

白廉齋摹古

漢蔡中郎竹冊

金丸落飛鳥自說生來未為客一身美妾過  
三百豈知斲地種田家官稅頻催没人織長  
金積玉誇豪毅每揖閑人多意氣生來不讀  
半行書只把黃金買身貴少年安得長少年  
海波尚變為桑田榮枯遞傳急如箭天公豈  
肯於公偏莫道韶華鎮長在髮白面皺專相  
待

高平縣東私路

侵侵榭葉香木花滯寒雨今夕山上秋永謝  
無人處石磧遠荒澁棠寔懸辛苦古者寔幽  
尋呼君作私路

神仙曲

碧峰海面藏靈書上帝揀作仙人居清明笑  
語聞空虛鬪乘巨浪騎鯨魚春羅書字邀王

白鹿齋摹古

漢蔡中郎竹冊

母共宴紅樓最深處鶴羽衝風過海遲不如  
却使青龍去猶疑王母不相許垂霧娃鬢更  
轉語

龍夜吟

鬢髮胡兒眼睛綠高樓夜靜吹橫竹一聲侶  
向天上来月下美人望鄉哭直排七點星藏  
指暗合清風調宮徵蜀道秋深雲滿林湘江

半夜龍驚起玉堂美人邊塞情碧窓皓月愁  
中聽寒砧能擣百尺練粉淚凝珠滴紅線胡  
兒莫佞隴頭吟隔窓暗結愁人心

崑崙使者

崑崙使者無消息茂陵烟樹生愁色金盤玉  
露自淋漓元氣茫茫收不得麒麟背上石文  
裂虬龍鱗下紅肢折何處偏傷萬國心中天

白麻齋摹古

漢蔡中郎竹冊

夜久高明月

嘆唐姬飲酒歌

御服沾霜露天衢長蒸棘金隱秋塵婆無人  
為帶飾玉堂歌聲寢芳林烟樹隔雲陽臺上  
歌鬼哭復何益仗劍明秋水兇威屢脅逼疆  
臬噬母心犇厲索人魄相看兩相泣淚下如  
波激寧用清酒為欲作黃泉客

一作不說玉

山頽且無飲中色勉從天帝訴天上窻沈厄  
無處張繾帷如何望松栢妾身晝團團君魂  
夜寐寐蛾眉自覺長頸粉誰憐白矜持昭陽  
意不肯眉南陌

聽穎師琴歌

別浦雲歸桂花渚蜀國絃中震鳳語芙蓉葉  
落秋鸞離越王夜起遊天姥暗佩清臣敲水

白鹿齋摹古

漢蔡中郎竹冊

玉渡海蛾眉牽白鹿誰看挾劍赴長橋誰看  
浸髮題春竹竺僧前立當吾門梵宮真相眉  
稜尊古琴大軫長八尺嶧陽老樹非桐孫涼  
館聞絃驚病客藥囊暫別龍鬚席請歌宜一作  
當請卿相歌奉禮官卑復何益

謠俗

上林蝴蝶小試伴漢家君飛向南城去誤落



石榴裙脉脉花滿樹翩翩燕遠雲出門不識  
路羞問陌頭人

白麻齋募古